



江蘇省地方志編纂委員會辦公室編

江蘇歷代方志全書

5



江蘇省地方志編纂委員會辦公室編



鳳凰出版社

江蘇歷代方志全書

5

江寧府部

ISBN 978-7-5506-2318-7



圖書在版編目（C I P）數據

江蘇歷代方志全書·江寧府部 / 江蘇省地方志編纂
委員會辦公室編. — 南京：鳳凰出版社，2016.2
ISBN 978-7-5506-2318-7

I. ①江… II. ①江… III. ①江蘇省—地方志 IV.
①K295.3

中國版本圖書館CIP數據核字(2016)第006658號

- 書名 江蘇歷代方志全書·江寧府部
編者 江蘇省地方志編纂委員會辦公室
責任編輯 王劍 王愛榮 吳瓊
裝幀設計 姜嵩
出版發行 鳳凰出版傳媒股份有限公司
鳳凰出版社(原江蘇古籍出版社)
發行部電話 025-83223462
出版社地址 南京市中央路165號,郵編:210009
出版社網址 <http://www.fhcbs.com>
經銷 鳳凰出版傳媒股份有限公司
印刷 揚州文津閣古籍印務有限公司
揚州市開發區鴻揚路22-2號(6幢),郵編:211153
開本 889×1194毫米 1/16
印張 1151
版次 2016年2月第1版 2016年2月第1次印刷
標準書號 ISBN 978-7-5506-2318-7
定價 21600.00圓(全二十七冊)
(本書凡印裝錯誤可向承印廠調換,電話:0514-87969255)

康熙江寧府志（一）

（清）于成龍纂修



《康熙江寧府志》四十卷，清于成龍纂修。

成龍字振甲，號如山，清漢軍鑲黃旗人。因當時被康熙譽爲「天下第一廉吏」的兩江總督亦名于成龍（北溟），且對於成龍（振甲）多所賞識，後人遂稱之爲『小于成龍』。蔭生，歷樂亭知縣，灤州、通州知州等。康熙二十年（一六八一），兩江總督于成龍（北溟）疏薦其才堪大用，擢爲江寧知府。後官直隸巡撫、左都御史兼鑲紅旗漢軍都統、河道總督，卒謚襄勤。

此書已殘，卷一、卷二、卷三十至三十三及卷首序、目錄等俱缺，編纂緣起不詳。當纂於于氏江寧知府任上。考書中《科貢》多次記載康熙二十四年（一六八五）進士名錄，推測成書時間在康熙二十四年或稍後。

全書四十卷，今存三十四卷，凡二十四門：星野、歷代沿革、建置、疆域、風俗、山川、帝王世系、學校、戶口、田賦、水利、蠲賑、歷官表、宦迹、兵制、科貢、祠祀、寺觀、古迹、陵墓、人物、遊寓、藝文、摭遺。體例沿襲《陳志》而略作調整，《陵墓》自《古迹》析出，《疆域》自《風俗》析出，《古迹》《陵墓》移置於《人物》前，《建置》移置於《疆域》前，《祥異》附於《星野》下，增設《帝王世系》《戶口》《水利》《遊寓》《兵制》《藝文》。《祥異》收錄周孝王十三年（前八九七）至清康熙二十二年旱澇、戰事等，《帝王世系》述三國吳大帝，及晉、宋、齊、梁、陳，至明太祖、建文帝、成祖諸帝傳略。《藝文》所收宋曹彬《平李煜露布》，《摭遺》所記海瑞出行，權豪爲之盡撤廳事什物、易以舊几敞椅，資料頗爲生動而珍貴。其增補康熙七年《陳志》之後史事，史料價值尤高。各門之後往往以『論曰』直抒胸臆，其中不乏真知灼見。

該志成稿後並未付刻，《江蘇舊方志提要》著錄有刻本者誤。今有清康熙二十二年鈔本（《科貢表》所載康熙二十四年進士名錄者，或爲成書後增補），已殘，存卷三至二十九、三十四至四十。本次出版，即以此爲底本影印。

（王德雲 林艾甫）

第五冊目錄

康熙江寧府志（一）

.....

〇〇一

江寧府志卷之三

星野 祥異附

九州之地各有分星故史記天官書以在天十二舍
主在地十二州周禮周官保章氏以星土辨九州之
封域以觀妖祥此萬世郡邑之準也然鄭樵言非因
封國始有分星唐一行謂分星有山河脉絡之屬雲
漢升沉之繫認而識之可以見其相配鄭樵取之遂
謂其區處分野如指諸掌近世蘇平仲又指其疏遠
而謂分野分星古不謂地又引有分星而無分野之
言以證其不必盡泥雖然以史冊觀之四星聚牛女

江寧府志

卷之三 星野

一

而晉元王吳四星聚觜參而齊祖王魏彗星掃東井
而符堅亡秦景星見箕尾而慕容德復燕此皆分野
之驗而未可盡略者也大抵一行之說勝諸家焉迹
其所言星記丑位得天漢下流而吳越正當淮海爲
南紀之終故爲吳越之分想以星之與土精氣相屬
更有以相麗者參之班固志曰吳斗分野越牽牛婺
女分野析星紀爲二今因以斗爲江南分星驗諸微
應有熒惑入南斗而許昭聚衆破郡縣見之漢熹平
間也有熒惑太白會牛女而孫策開江東見之建安
初也有熒惑入南斗占主東南大饑而是年冬春江

南道殲相望見之明嘉靖癸卯七月中也以一星考
其不爽則吳郡屬之斗分爲多矣凡言天文者徒究
于渺茫不可測不如配之五行占驗有洞若觀火者
故論星野卽附以祥異之徵志星野

江寧主星分野

星經云每度計一千四百六里二十四步六寸四分
有奇江寧郡南北將五百里一度中占三分之一矣
黃帝分星次斗十一度至婺七度曰須女

禹既定九州周禮保章氏以星土辨九州之地鄭康
成註云星土星所主土也十二次之分星紀吳越也

江寧府志

卷之三 星野

二

吳澄曰星紀揚州之星土也

周禮保章氏註斗牛女爲揚州

爾雅星紀斗牽牛吳分野

史記正義南斗牽牛女爲揚州

前漢天文志牽牛婺女揚州斗南三度

地理志云吳地斗分野今之會稽九江丹陽豫章廬

江廣陵六安臨淮淮南皆吳地

後漢郡國志註帝王世紀曰黃帝受命始作舟車以
濟不通乃推分星以定律度自斗十一度至婺七度
一名須女曰星紀之次於辰在丑謂之赤奮若于律

爲黃鐘斗建在子今吳越分野

晉天文志云自斗十一度至須女七度爲星紀吳越之分野

隋地理志云揚州于禹貢爲淮海之地在天官自斗十一度至須女七度爲星紀吳越得其分野

唐志云揚楚滁和廬壽舒爲星紀分又云南斗在雲漢下流當淮海間爲吳分

占候曰熒惑漢書吳楚之疆候熒惑

麗屬曰權星經北斗第四星曰權屬揚州

官曰磨羯地理指掌圖揚州爲磨羯

江寧府志

卷之三 星野

三

晉天文志云揚州九江入斗一度費直云起斗十六度

蔡邕云起斗六度

蓋古之言分野莫辨於晉志而愈辨愈難曉大致謂班固取三統曆十二次配十二野其言最詳魏太史令陳卓更言郡國所入宿度前范蠡鬼谷張良後諸葛亮譙周京房張衡皆與劉向班固同但費說周易蔡邕月令章句所言頗有先後此晉志可據者也愚竊謂天地必先定一中而後可準入方之位淮南子謂崑崙爲天地之中而汝寧志載

江寧府志

卷之二 星野

四

天中山爲天之中自古考日影測分數莫正于此則一中也已差數萬里而况因地以測天平且所係之州或非其國所係之郡或非其州卽如星紀吳越之分野屬揚州所列郡名則九江豫章廬江臨淮等郡多楚地泗水一郡本屬徐州且揚州江夏又別係於翼謬亂如此誠可疑也得非揚州地廣非一郡可專之謂乎但晉書出李淳風宜非苟作則臆爲解曰星土分星本不以州國拘也故司徒但言十有二土未嘗斤言所應者何次保章氏言星土辨九州之地不明言所辨者何星是九州上應星土則三百餘度皆有其驗豈特十二次已乎封域皆分星則千八百國皆有所屬豈特十二國已乎此其繫之州繫之國繫之郡各據所見而互有矛盾焉乃知斗言吳者其大致也吳越皆星紀左傳謂越得歲而吳伐之其以度數所入者乎漢志云吳地斗分越地牛女分可知也若班劉費蔡所起之度異者日行歲差則日月所會之次分度亦異此言十二次所以不同也鄭康成亦謂大界九州諸國封域於星亦有分焉其書久亡堪輿雖有郡國入度非古久矣書此聊俟博識君子斷

定焉

祥異附

周孝王十三年大雹江凍

漢惠帝五年夏大旱江水少

呂后三年夏江水溢

八年夏江溢

永平十二年堂邑旱

延光二年七月丹陽山崩四十七所

建和元年揚州饑遣府掾分行賑

建安元年江淮饑民相食

江寧府志

卷之三 星野

五

章武元年五月甘露見于建業

建興二年江東地震

九年五月建業有野蠶成繭大如卵

十二年九月隕霜傷穀

十四年自去年不雨至於夏

十五年五月江東地震八月白麟見建業有赤鳥群

集吳前殿吳主權遂改明年元

延熙二年正月江東地再震

四年正月大雪平地三尺

八年夏震吳宮門柱又擊南津大橋楹

十一年江東地震

十二年四月有兩鳥啣雀墮吳東館將軍朱據領丞

相燎雀以祭

十三年八月丹陽句容諸山崩鴻水溢吳主權原逋

責給貸種食

十四年五月吳主權遣中書郎李崇齋印綬迎羅陽

王表表至建業爲立第于蒼龍門外遂用其語改

年立后八月朔大風江海湧溢平地深八尺吳高

陵松柏皆拔郡城南門飛落

十七年七月江溢

江寧府志

卷之三 星野

六

十九年二月建業火

景耀元年有風四轉五復蒙霧連日

四年五月大雨水泉湧溢

五年二月白虎門北樓災八月大風震電水泉涌溢

炎興元年石頭小城火燒西南百八十丈

吳赤烏十三年五月日北至熒惑逆行入南斗占者謂

太元二年權薨是其應也八月丹陽及故鄣邑諸

山崩鴻水溢

大元元年大風江海溢平地水一丈拔樹石碑墜動

吳城兩門瓦盡飛落

孫亮太平元年九月太白犯南斗占曰國有兵大臣有反者明年諸葛誕反又明年孫琳廢亮吳魏並有兵事

建衡元年二月天火燒萬餘家死者七百餘人

三年正月西苑言鳳皇集遂改明年元嗣是遂大疫建三年

天監元年臨平湖塞復開傳言湖塞天下亂湖開天下平又于湖邊得古石函中有石青白色上列刻文作皇帝字于是改元曰天監大赦俄而晉平吳孫盛乃以爲元帝中興之符

江寧府志 卷之三 星野

七

天紀三年建業有鬼目菜生工人黃耆家依綠棗樹又有黃菜生工人吳平家如枇杷形兩邊生菜綠色東觀索圖名鬼目作芝草黃菜作平慮草遂以耆爲侍芝郎平爲平慮郎皆銀印青綬

晉太康二年二月丹陽地震

四年冬揚州大水

五年八月丹陽地震

九年正月丹陽地震四月江南地震

十年十二月丹陽地震

元康五年六月揚州大水詔遣御史巡行賑貸十二

月丹陽建鄴雨雹尋大雪

六年五月揚州大水

九年正月丹陽地震

太安元年有石浮來建鄴入秦淮夏架湖登岸二百餘步百姓咸驚譟相告曰石來明年石水入揚州永嘉三年夏大旱江竭

建興元年三月白玉麒麟神璽出于江寧其文曰長壽萬年

大興元年四月丁巳朔日食六月旱帝親雩十一日乙卯日夜出高三丈

江寧府志 卷之三 星野

八

大興二年丹陽郡吏濮陽楊演馬生駒兩頭按司馬彪說政在私門二頭之象也是後王敦陵上

三年三月日中見黑子四月江東大饑詔百官言事丹陽地震

四年八月黃霧四塞

永昌元年八月暴風壞屋拔御道柳樹百餘株其風縱橫無常若自八方來者十月京師大霧黑氣貫天日月無光閏十一月京師大旱川谷並竭

太寧元年正月癸巳黃霧四塞京師大火五月丹陽大水七月丙子朔震太極殿柱

二年四月庚子京都大雨雹鷲雀死

咸和二年五月京師火又大水

四年天裂西北有聲如雷二月大霖雨城中大饑米

斗萬錢七月丹陽大水

五年無麥禾大饑

六年正月會州郡孝秀于集賢堂有麀見獲之

咸康元年二月揚州諸郡饑遣使賑給

二年七月揚州饑開倉賑給

八年正月乙未朔京都大雨

永和七年七月濤水入石頭溺死者數百人

江寧府志

卷之三 星野

九

九年八月京都地震有聲如雷

升平五年八月己卯夜天裂廣數丈有聲如雷

興寧元年四月揚州地震

太和六年六月京師大水平地數尺浸及太廟朱雀

大航纜斷三艘流入大江丹陽諸縣稻禾湯沒

十二月濤水入石頭

寧康元年三月京都大風火大起

三年十二月神獸門災

大元五年六月震含章殿四柱

六年六月揚州大水江東大饑

八年二月黃霧四塞

十三年四月祠太廟畢有兔行廟堂上十二月戊子

濤水入石頭毀大桁殺人乙未大風晝晦延賢堂

災

十四年七月宣陽門四柱災十二月雨大水

十五年八月京師地震

十六年五月飛蝗從南來集堂邑縣界害苗稼六月

鵲巢太極殿東鵠尾

十七年六月癸卯地震甲寅濤水入石頭毀大桁漂

船舫有死者七月太白晝見冬旱

江寧府志

卷之三 星野

十

元興二年京都大饑人相食十二月桓元篡位明年

二月庚寅夜濤水入石頭商旅方舟萬計漂敗流

斷骸骨相望江左濤變特甚三月義軍克京都桓

逆敗走遂城之

義熙元年十二月濤水入石頭明年亦然

五年五月溧陽雨雹六月震太廟

六年震太廟鳴尾宮城及御道左右皆生蒺藜

九年五月京都大火燒數千家

十年五月西明門地穿水湧出

十一年七月京師大水壞太廟所在火起



宋元嘉四年五月建康疾疫遣使存問給醫藥無家者賜以棺器

五年正月戊子丹陽火遣使巡慰賑賜六月復大水

遣使巡行賑贍丙寅震太廟破東鳴尾徹壁柱

七年建康火延燒大社北墻

八年揚州諸郡旱

九年春丹陽雨雹漂陽尤甚傷人畜

十一年五月建康大水

十二年四月建康地震六月丹陽諸郡大水邑里乘

船

江寧府志

卷之三 星野

十一

十四年三月丙申大鳥二集秣陵民王顗園中李樹

上狀如孔雀揚州刺史彭城王義康以聞改鳥所

集永昌里曰鳳凰

十九年閏五月丹陽雨水遣使巡行賑卹

二十一年六月建康連雨百餘日大水

二十四年六月丹陽大水疫癘遣使行郡縣給以醫

藥

二十五年四月元武湖青龍見五月黑龍又見

二十八年三月乙酉建康大旱民多疾疫

二十九年二月雷雨雪三月大風拔樹五月丹陽霖

雨傷禾稼十二月黃霧四塞

大明元年正月建康雨水遣使檢行賜以糴米四月

丹陽疾疫遣使按行賜給醫藥死而無收者官爲

歛埋五月紫氣出景陽樓迴薄久之改爲慶雲樓

五年七月丙辰丹陽雨水遣使巡行窮敝之家賜以

薪粟

七年四月大風折和寧陵華表鍾山通天臺一夕飛

倒散落山澗中

八年冬建康饑米升百餘錢死者十六七相枕于道

命建康秣陵二縣爲薄粥賑之

江寧府志

卷之三 星野

十二

泰始二年六月建康雨水九月建康大風

三年正月庚午建康大雨雪遣使巡行賑賜各有差

泰豫元年六月建康雨水詔賑卹二縣貧民

元徽元年八月建康旱

三年正月丹陽大火三月丙寅建康大水遣使檢行

賑賜戊辰火延燒數千家五月雨雹

昇明三年二月地震建陽門十二月朱雀航華表柱

生枝葉

齊永明五年六月建康秣陵水遣官長隨宜賑賜

六年四月石子岡栢木化爲石

時車駕數游幸應本傳木失其性也

八年八月建康霖雨遣中書舍人及長吏賑恤

十年十一月霖雨遣使賑賜建康秣陵居民蘭陵民齊伯生於六合山獲金蠶一紐文曰年子主

十一年三月震東齊棟崩六月建康霖雨遣使賑之

建武二年二月地震

永元元年七月建康大風十圍樹及官舍居民屋皆

偃拔丁亥大水詔賜死者材器并賑恤

中興二年江東大旱米斗五十千民多饑死

梁天監元年大旱米斗錢五千人多饑死

三年建康疫

江寧府志

卷之三 星野

三

四年五月建康定陰里生嘉禾一莖十二穗十二月

天無雲而雷電有聲

五年十一月建康地震

六年三月有三象入建康七月太白晝見八月建康

大水濤入御道七尺

普通元年七月江淮海並溢九月乙亥夜有日見于

東方光爛如火

二年五月琬琰殿火延燒後宮三千餘間

三年正月建康地震

六年十二月建康地震

中大通元年建康秣陵疫以身禱於重雲殿九月辛

巳朱雀航華表災

四年七月甲辰星隕如雨

五年正月戊申建康地震五月建康大水御道通船

大同二年地生白毛長二尺白祥也孫盛以爲民勞

之異先是大發卒築浮山堰工費鉅億功禹就而

復潰者數矣百姓嗟怨時北築長城內興二臺人

苦勞役無已十一月建康秣陵地震

大同初大蝗國籬門松柏葉皆食盡洪範五行曰介

虫之孽與魚同占京房易飛候曰食祿不益聖化

江寧府志

卷之三 星野

四

天視之以虫虫無益于人而食萬物也是時公卿

皆以虛談爲美不親職事無益而食物之應也

三年正月辛丑朱雀門災壬寅天無雲雨灰黃色十

月建康秣陵地震民饑

七年二月建康秣陵地震

中大同元年四月丙戌浮圖災梁主曰此魔也更宜

廣爲法事遂起十二層浮圖將成值侯景亂乃止

太清二年六月天裂于西北長十餘里濶二丈光出

若電聲發如雷十二月天復西北中裂有光如火

明年四月建康地再震

大寶元年自春迄夏大饑人相食建康秣陵爲甚

紹泰元年二年甘露頻見于鍾山梅岡南礪江左境

內或至三四升大如奕棋子陳霸先表獻

太平二年十二月庚辰建康大火

陳永定三年正月夜大雪及旦太極殿前有龍跡見閭

四月久不雨如鍾山祭蔣帝廟是日雨至於月晦

天嘉六年七月有大風自西南至廣百餘步激壞靈

侯樓甲申儀賢堂自壞

大建七年九月臨樂遊苑採甘露立甘露亭于覆舟

山

江寧府志

卷之三

星野

五

九年七月己卯大雨震萬安陵華表

十年三月震武庫六月大雨震電

十二年六月大風壞陳阜門中閤八月大雨霖

十三年九月夜大風至自西北發屋拔樹大雨雹

十四年四月自建康至荊州江水赤

至德元年十二月戊午夜天開自西北至東南其內

青黃雜色隆隆若雷聲

禎明元年臨平湖開造太皇寺起浮圖未畢火從中

起焚之江自方州東至海赤如血五行變節陰陽

相干兵起敗亂之象是時後主初卽位用刑酷暴

之應其後爲隋師所滅

二年四月有羣鼠自蔡州岸入石頭渡淮至於青塘

兩岸數日死五月東冶鑄鐵有物赤色大如甕自

天墜鎔所有聲隆隆如雷鐵飛出牆外燒民居六

月大風拔朱雀門濤水激入石頭淮渚暴溢漂沒

舟乘又府城自壞青龍出建陽門井中湧赤霧

隋開皇九年正月己丑朔陳主朝會羣臣大霧四塞

大業十三年自淮及江東西數百里絕水無魚

唐貞觀八年七月江淮大水

總章元年江淮旱饑

江寧府志

卷之三

星野

六

嗣聖九年五月禁屠殺採捕時江淮旱饑民不得捕

魚蝦餓死甚衆

十八年地震

開元十四年秋大風自東北來海濤沒瓜步

上元二年江淮大饑

寶應元年江東大疫人民死者過半

貞元二年魚鰲蔽江而下皆無首六月江溢

八年七月江淮大水害稼溺死人漂沒城郭廬舍八

月遣官宣撫

元和三年江南旱

長慶二年江淮饑

三年三月江南旱遣使宣撫

太和四年江南大水害稼

八年夏江淮大旱

開成四年夏江溢大水害稼

會昌元年七月江南大水

咸通二年江淮旱

七年江淮大水

九年江淮旱蝗

中和四年江南大旱饑人相食

江寧府志

卷之三 星野

七

光啟元年正月江水赤凡數日

吳太和六年二月甲申金陵大火乙酉又大火

南唐昇元六年十一月溧水縣天興寺桑樹生木人

保大十一年七月大旱井泉涸民饑疫死者過半

十二年江寧災焚廬舍營署踰月乃止

宋乾德四年二月長春節甘露降江寧報恩院次年降

江寧玉泉寺松

宋太平興國八年七月江水溢

雍熙二年三月江南民饑許渡江自占四月遣使賑

之

淳化四年二月江南饑遣使巡撫

五年江南疫

至道三年昇州旱除今年秋稅

咸平三年江南旱賑之

景德元年閏九月江南旱遣使決獄訪民疾苦祠境

內山川

大中祥符元年春昇州黃雀羣飛蔽日有從空墜者

二年四月昇州大旱火遣御史訪民疾苦蠲被火屋

稅

五年五月江淮旱給占城稻種教民種之

江寧府志

卷之三 星野

六

天禧元年六月江淮南蝗并言自死

四年江淮稔

天聖四年六月江淮南大水肆赦蠲租撫流民

六年七月江寧府六合江水溢壞官民廬舍遣使安

撫賑卹

明道元年三月江東淮南旱饑

慶曆八年正月江寧府火宮室焚燬殆盡惟南唐玉

燭殿僅存

皇祐三年八月江南淮南饑遣使安撫

五年江寧府蝗

嘉祐元年五月江溢

熙寧元年江寧府飛蝗自江北來

六年溧陽大旱十月賑江淮饑

元豐四年七月大風潮漂蕩沿江廬舍損田稼

建中靖國元年江淮旱

大觀三年江淮大旱守臣曾孝序上言欲將常平司

見在諸色錢諸司封椿錢起時收糴稻種候將來

春種出糴與力田之人

政和三年江東旱

五年六月江寧府水災

江寧府志

卷之三 星野

十九

重和元年江淮水詔監司督責州縣還集流民

建炎二年十月霖雨

三年六月大霖雨詔郎官以上言關政十一月江南

大旱

紹興七年十二月中書門下省檢校正官張宗元寓

建康槃水有文如畫佳卉茂木華葉相敷日易以

水變態奇出至春暄乃止是年六合旱建康疫

十一年九月建康大火延燒府治自外門至堂宅皆

燬惟軍資庫及大軍庫無損是年大旱

十七年建康火

十八年夏江東淮南旱

隆興元年江東大水悉蠲其租

二年七月建康大水浸城郭壞廬舍操舟行市者累

日人溺死甚衆詔賑之并各官陳闕失

乾道二年十二月六合武鋒軍壘火

三年江東蝗賑之

四年七月建康水

六年五月建康水城市有深丈餘者人多流徙詔被

水縣分人戶今年身丁錢並與放免

七年三月江東旱賑之

江寧府志

卷之三 星野

二十

九年旱

淳熙二年建康大旱饑知府事劉珙賑濟之六合饑

詔賑以常平米

四年建康雨雹民饑

五年閏六月雨雹者再

八年建康饑知府事范成大請賑從之

九年七月六合蝗

十年建康旱

十一年建康雨水七月禁諸州過糴詔賑卹之

十五年五月六合大水

紹熙三年江東水

四年八月賑江東旱傷貧民

五年建康大水賑之仍蠲其賦

慶元四年建康饑軍乏食

六年建康早賑之

嘉泰元年江東淮南早賑之仍蠲其賦

嘉定二年建康蝗旱大饑斗米數千錢人食草木詔
收養遺棄小兒

八年四月六合蝗六月詔江淮諭民雜種粟麥麻豆
有司毋收其賦田主毋責其租七月建康旱甚發

江寧府志

卷之三 星野

三

米賑之運使真德秀又合本道義倉及轉般米數
十萬斛賑贍仍開東門外新河因役力以食饑民

十四年建康大水

寶慶三年秋漂水涉

嘉熙元年四月建康旱

淳祐六年六月江淮飛蝗蔽空集食禾豆

景定四年漂陽饑知府事姚希得賑之

咸淳二年五月大雨水遭濟饑民

四年三月建康疫放免夏稅市利錢

六年江南大旱

七年江南饑

德祐元年江東饑疫

元至元十九年六合水

二十七年江南大水發粟以賑流民

二十八年漂陽路饑賑之

元貞元年五月建康水

二年六月建康蝗發粟賑之

大德二年正月建康漂陽水賑之仍弛澤梁之禁

三年漂陽大旱

五年七月暴風起東北江溢六合民被災發米以賑

江寧府志

卷之三 星野

三

六年七月建康民饑以米二萬石賑之

十一年建康大饑總管天祐勸賑

至大元年建康民饑疫死者相枕於道給米賑之

二年六月江寧上元漂水旬客蝗

延佑元年八月建康大水發廩減價賑糴

泰定元年六月六合旱江東水傷田

三年建康路饑賑之漂陽六合大水

四年四月建康屬縣并六合饑賑糧鈔有差

天曆二年旱饑勸率富民賑糧一月

至順元年三月集慶路饑七月江東水